



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080145412725817

# 1785

21 / ივნისი / 2017 წ.

სახელმწიფო აუდიტის სამსახურისათვის სახელმწიფო შესყიდვის  
გამარტივებული შესყიდვით განხორციელების შესახებ თანხმობის გაცემის  
თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2017 წლის 16 ივნისს სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა სახელმწიფო აუდიტის სამსახურის SMP170001539 მომართვა ექსკლუზიური უფლებამოსილების საფუძველით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი და მისი ღირებულება

მომართვის მიხედვით, შესყიდვის ობიექტი არის სახელმწიფო აუდიტის სამსახურის დომენური სახელის „sao.ge“ ინტერნეტის საერთაშორისო ქსელში მომსახურების შესყიდვა (CPV-72400000 - ინტერნეტმომსახურებები).

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, საერთაშორისო დომენური სახელების რეგისტრაციას ახორციელებს ინტერნეტ ციფრული ნომრების მიმნიჭებელი საერთაშორისო ორგანიზაცია „IANA“ (Internet Assigned Numbers Authority), ხოლო საერთაშორისო დომენის რეგისტრაციის სერვისს საქართველოსთვის განკუთვნილ ნაციონალურ დომენურ ზონაში „.GE“ საქართველოში ექსკლუზიურად უზრუნველყოფს შპს „კაუკასუს ონლაინი“. აღნიშნული ინფორმაციის მიღება შესაძლებელია ორგანიზაცია „IANA“-ს ოფიციალური ვებ-გვერდზე. შესაბამისად, არ არსებობს სხვა პირი, რომელსაც უფლება აქვს განახორციელოს აღნიშნული მომსახურება.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემაჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

## 6. სააგენტოს შეფასება

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

სააგენტო განმარტავს, რომ მოცემულ შემთხვევაში სახეზეა ექსკლუზიური უფლებამოსილების საფუძველით გამარტივებული შესყიდვის განხორციელების შესაძლებლობა, რამდენადაც, როგორც ორგანიზაცია „IANA“-ს ოფიციალურ ვებ-გვერდზე განთავსებული ინფორმაციიდან ირკვევა, შპს „კავკასუს ონლაინი“ არის ერთადერთი ორგანიზაცია, რომელიც არეგისტრირებს ინტერნეტ დომენს საქართველოსთვის განკუთვნილ ნაციონალურ დომენურ ზონაში. შესაბამისად, არ არსებობს სხვა პირი, რომელიც შეძლებს აღნიშნული მომსახურების გაწევას.

სააგენტო დამატებით აღნიშნავს, რომ მომსახურების გაწევაზე ექსკლუზიური უფლებამოსილების მქონე ორგანიზაციის შერჩევის პროცედურების წარმართვა წარმოადგენს შემსყიდველი ორგანიზაციის პასუხისმგებლობას.

ასევე, სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განახორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა, კონკურენტული და არადისკრიმინაციული გარემოს შექმნით.

## სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-6 პუნქტებით და დაადგინა:

1. დაკმაყოფილდეს სახელმწიფო აუდიტის სამსახურის SMP170001539 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.
2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 კმ. №6), კანონმდებლობით დადგენილი წესით.

თავმჯდომარის მოვალეობის შემსრულებელი



ზაზა ნანობაშვილი